

太上洞神洞淵神咒治病口章

鳴天鼓三通發鑪

太上玄元五靈老君 三炁正神 急召臣等身中 五體真官 三五功曹 上下大夫 左右龍虎君 捧香使者 傳言素女 執案童子 各二十四人 尚書僕射 通事小吏 十二萬人 關啟 無上三天玄元大道君 十方太上 臣等正爾入靖 燒香奏上口章 治病消災 願得八方正炁入臣身中 令所啟上御 逕達 無上玉皇上帝 几前

次四方拜 西方始 訖向東 鳴天鼓三十六通

次長跪出吏兵

謹出臣等身中 仙靈高官 直使功曹 各十二萬人 正一功曹 十二萬人 三一功曹 十二萬人 促氣功曹 十二萬人 治病功曹 十二萬人 太醫小吏 十二萬人 上部功曹 十二萬人 中部功曹 十二萬人 下部功曹 十二萬人 上部使者 十二萬人 中部使者 十二萬人 下部使者 十二萬人 高車使者 十二萬人 赤車使者 十二萬人 元真使者 十二萬人 元神使者 十二萬人

太上洞神洞淵神咒治病口章

清微藏書閣

陽神使者 十二萬人 陰神使者 十二萬人 高車刺史 二十四萬人 收氣食氣吏 收鬼食鬼吏 收邪食邪吏 收凶食凶吏 收精食精吏 收殃食殃吏 收病食病吏 各六十萬人 太上治病玉女 十方主者 各七十萬人 出出者 嚴裝顯服 冠帶垂纓 整其威儀 羅列鹵簿 上下相次 森然住立 臣等前後左右 各各兵刀外向 整頓刀杖 千人齊唱 萬人同和 去臣等三步 自共相顧 望直使功曹 頭戴通天之冠 身著皂執單衣 腰帶龍虎之符 手捉金剛之戟 各七十二萬人 在臣等前 正一功曹 頭戴朱陽之幘 身著絳章單衣 腰帶通天之鉞 手捉夜光之劍 各七十八萬人 在臣等之後 衝天大將軍 頭戴五色之冠 身著錦鍊之袍 腰帶百鍊之刀 手捉九折之刃 各四十萬人 在臣等左 橫奮大將軍 頭戴玄陰赤幘 身著七玉黑衣 腰帶百鍊黑戟 各九十萬人 在臣等之右 功曹在上 主簿在下 天官在左 地官在右 文官在前 武官在後 五色之幢 威儀翼翼 乘車駕馬 龍虎之騎 步行乘輿 各各相次 青隊在東 白隊在西 赤隊在南 黑隊在北 黃隊在中央 步楯在前 細射在後 賊曹在左 禁防在右 槌鍾鳴角 隱隱闐闐

五嶽軍馬 伺候巷陌 四海軍馬 羅截九州 崑崙玉京 軍馬駭
滿 虛空各各 內外相應 將領諸鬼王 令敕魔兵 各各令殺鬼
今某郡縣鄉里 男女某甲辭列 昔日百官子孫 習俗常人 千載之
運 得在道門 末民之例 奉屬大道 私自欣慰蒙恩 某口辭奉神
不明 多有考氣 招延不祥 自頃以來 家業不利 宅中凶耗 萬
端不吉 災祟云云 又某身 若干月日 忽得疾病 狀云云 慮不
育活 蓋聞夫道 能迴死易生 歸命之者 無溺不濟 章奏通達
無往不救 恩在太上 事由主者 臣等凡愚 事在宣揚三洞之旨
不忍所見煎厄之急 大小元元向 臣等叩頭搏頰 告訴丹赤 求乞
救濟 臣等不勝所見 肉人窮命轉燭 專至可愍 輒為伏地 拜口
章一通 露在臣等前玉案上 如前人口章留辭 事事上啟 不敢越
訣 多有所語 唯願今日直符執案主者 導候令使 左右宣直 官
治從事 上下素女功曹 與左社右稷 擎案主簿 各七十萬人 與
章俱上 對應天曹 令事事判決 文書傳達 了了分明 功曹小吏
一合來下 聽省臣等口奏章言 須事訖 各各還宮室 復位如初
吏兵交關 天曹必令 事事判了 勿使稽停 停者 吏兵先坐

太上洞神洞淵神咒治病口章

清微藏書閣

時為通達 令道炁下流 覆衣肉人 令病者速差 差者吏兵有功
言功天曹 加爵遷秩 各各相告 下上官天地之中 所病人之鬼
一一收而卻之 令病得愈 醫治玉女 事事按行 隨病布藥 令下
檢校 隨病狀治之 了了得差 差各有功賞 萬等不合 有患恨治
病之官吏兵 各寶針藥之具 與盧醫扁鵲 領天下醫王與治病功曹
三百六十人 主生小吏二十四萬人 祈請玉童七十萬人 一一來下
應章羅載 急令得差 平復能行 龍登虎步 康休無他 謹以元
元上啟 請省章言

泰玄都正一平炁 係天師陽平治太上中炁 三洞弟子某岳先生
臣某 稽首再拜上言 謹按文書 某郡縣鄉里 同道男女官某甲
年如千歲 戶男女口 如千人 願辭所云列 闔門胎生 祐骨子孫
蟻細常菁 習俗之未 輪轉生死 得有今身 長於草野 六畜不
別 信邪倒見 非為一劫 先身實緣 千載之運 遭幸之際 得入
清化 參染法教 奉屬大道 草苗之次 得在天民 私自欣慰 但
某肉人 百行多違 罪過狼藉 考重三官 以招不利 頃者以來
大小病疾災禍 妖怪鬼精 災害宅舍 虛耗錢財 夢景不吉 又某

疾病淹篤 所苦云云 大小相守 不能有感 請祈萬神 禱賽無益
今者厄困 恐不全濟 上窮下迤 無心自厲 東西卜問 龜易所
推 唯言某家親大祖父三十六世以來 有犯天詛地詛 日月之詛
星辰之詛 五社之詛 水火之詛 五盟七詛之罪 先世所犯 譴在
三官 來耗害生人 致令居生輒軻 事云云 皆恐某家七世父祖
昔日生在之時 違天負地 五逆不孝 誅君截位 殺害帝主 方伯
二千石 令長大臣 三公九卿 尚書僕射 星宿大臣 或欺神慢師
罵辱父母 或嫌度聖聞 妄造自用 或壞真宮靜治神人鬼屋 偷
人牛馬牲口財帛 人所發覺 引天及地 欺神喚日 指點星辰 社
祠廟下 更相咒詛 野道復連而死 死者相引 歷劫不休 遂至彌
滅 子孫相呼 展轉不絕 地下不斷 殃及後世 又恐某家先世七
祖父母 依官仕宦 枉殺無辜 殺害良善 訟繫賢人 璧他奴婢牛馬
之屬 枉絕人命 不以道理 或謀伯叔中外之親 取其錢財 姪色
內亂 非人所知 或殺人之夫 圖人之妻 細作兩頭 交亂二國
不知殺誰之父 害誰之子 不知殺誰之夫 害誰之婦 不知圖誰之
國 害誰之主 不知殺誰之君 不知害誰之臣 不知殺何人之母

太上洞神洞淵神咒治病口章

清微藏書閣

孤何人之子 不知欺誰之善 殺誰之賢 不知偷何人之物 不知盜
何人之財 不知伐何人之祖 不知殺何人之孫 木知燒何人之屋
滅誰之門 先世以來 亡人七祖 有如此罪 引逮及先亡者 某家
先世 或有落水死者 即請水葬之 清涼內外朗然 若以火燒死者
即請火葬之 赫赫飛仙無礙 若刀兵而死者 即請刀兵而葬之
刀兵滑利 利於後世 若獄市死者 即請獄市葬之 獄市長流 世
世無他 若落崙石而死者 請以崙石葬之 崙石道暢 萬草青青
若虎狼害死者 即請以虎狼葬之 虎狼毛皮文章 使萬劫通利 若
臥厭死者 即請臥厭葬之 清淨綿綿 世世安吉 若有病死者 哽
死 縊死 絞死 刀兵斬死者 各隨所屬 安而葬之 又恐上世亡
人等 有如此死者 死日不吉 星宿不度 亡者謫作 在三官二十
四地獄之中 或世人社廟道廢 晝夜擔沙負石 填江塞海 不得休
息 亡人愁毒 訟訴天曹主者 求取生人自代 致令某疾病危厄
災殃患禍 皆是先世亡人死日不吉 不利生人 與百鬼梯道來往
耗害生人 恐亡人生存之日 取婦移徙之日 葬埋之時 犯觸禁忌
亡人死日不吉 星宿不滅

今請東方角亢氏房心尾箕 拔出某家亡人七世父母三十六世以
來殃考基謫 悉令除判 消然解脫 上生天人之中 衣食自然 若
在三塗八難之中者 一一為遷拔之 若亡人等七世父母先世以來
叛道入邪 反覆之愆 罪結山嶽 未蒙原赦者 願請太真小吏百二
十人 官將一合來下 和愈之 解否無他攝鬼等 合共驅逐小鬼
時行疫癘脫籍之鬼 一切收而郁之 若先亡後死七祖父母 五逆之
殃 無狀之罪 萬過千咎 違天負地 難恕之愆 一切原赦 除判
了了 令某家七祖父母三十六世以來 刀兵木索 縣官牢獄市死者
或木石所槌磔死者 或癩腫惡瘡死者 或落水火沉燒死者 或有
流離他方不得葬埋之者 各各隨其死處而葬之 若某家七祖父母三
十六世以來 移徙嫁娶 造宅所為 犯觸惡星醜宿 不得道理 逢
逆劫殺 青龍 白虎 朱雀 玄武 勾陳 八神禁忌 以致不祥
或移徙葬埋 犯解大將軍 太歲太陰 衝破劫殺 五部刺奸 十二
司命 十二月建 五虛六耗 天年歲星 宅中伏龍 七獄吏 井灶
之神 青龍白虎 朱雀玄武 六合勾陳 天后所居 天空天一 功
曹傳送 太一登明 天剛從魁 河魁大吉 小吉斗加 陰陽四面

太上洞神洞淵神咒治病口章

清微藏書閣

注殺聲尸六害 高功卑功 天功地功 水功土功 金功木功 時惡
之鬼 訟考之殃 青功赤功 白功黑功 黃功 天貲地貲 青貲赤貲
黃貲白貲 黑貲 覆水汙池 零林之鬼 營傳符廟 飲食之鬼 殺
生血食愛錢 邪濁不正之神 山林孟長 十二溪女 男孟女孟 大
孟小孟 青孟赤孟 白孟黑孟黃孟 百獵鬼行 破殺下官 故氣山
川廟祠 眾邪鬼神 祈禱咒詛 天禱地禱 大禱小禱 南鄉三考
司命大王 立路之神 三皇五帝 伏羲將軍 自稱五霸 伐殺將軍
天心太守 九江大神 十二水帝 五道將軍 左右掾吏 一切禁
官 四海遊獵 道上行客 五虛六耗 五毒凶吹 十二不媚之鬼
春秋冬夏 清濁之氣 歲復月連 日復時連 鬼賊盤結不去者 願
一切分別 隨時解散 四面咒詛 黃帝五霸以來 壞軍死將脫鋒之鬼
光怪集聚 合為精祟 崙石草木 蟲鼠龍蛇 狐狸虎豹 烏雀眾
精 下官故氣 六甲六乙 六丙六丁 六戊六己 六庚六辛 六壬六癸
十二時上支干禁忌之鬼 共為精祟 群輩相逐 皆共乘車 騎馬步
從 鬼兵拘閉生人魂魄 殘害天民 招喚死人 七世父母三十六世
以來 盟詛不了 地下相引 逮及生人 不知某家七世父母死人

從何許來 姓族所由婚姻 悉何方人 死亡之日 屬何郡縣何鄉里
 將作緣吏 為何姓名 皆屬星官 為是何宿
 角亢氏房心尾箕 青龍七星主之 位屬東方 甲乙 官青帝
 歲星 木精 主春正月 二月 三月 寅卯辰歲月日時 始春 王
 相能消土精
 斗牛女虛危室壁 玄武七星主之 位屬北方 壬癸 黑帝 辰
 星 水精 主冬十月 十一月 十二月 亥子丑 始冬 王相能消
 火精
 奎婁胃昴畢貲參 白虎七星主之 位屬西方 庚辛 白帝 太
 白金精 主秋七月 八月 九月 申酉戌 始秋 王相能消木精
 井鬼柳星張翼軫 朱雀七星主之 位屬南方 丙丁 赤帝 熒
 惑 火精 主夏四月 五月 六月 巳午未 始夏 王相能消金精
 魁昴驪魁驪魁 七位屬中央 戊己 勾陳 鎮星 土精
 分節 王相能消水精
 二十八宿 三十五官 死人所屬諸官 天兵隨事解釋 又恐某
 家先亡後死七祖父母 從無極世界以來 有諸犯觸

太上洞神洞淵神咒治病口章

清微藏書閣

角宿三星 十二度 二清二濁將 從二百七十人 惡星當滅
 復連當絕
 亢宿四星 九度 一清三濁將 從三百五十人 惡星當滅 復
 連當絕
 氏宿四星 十五度 一清三濁將 從三百五十人 惡星當滅
 復連當絕
 房星四星 鉤鐵二星 合六星 五度 一清二濁將 從一百五
 十人 惡星當滅 復連當絕
 心宿三星 五度 一清一濁將 從三百一十人 惡星當滅 復
 連當絕
 尾宿九星 十八度 一清二濁將 從一百二十五人 惡星當滅
 復連當絕
 箕宿四星 十二度 一清一濁將 從三百九十人 惡星當滅
 復連當絕
 謹請 東方九夷 九九八十一官君將 從兵士七十億萬眾 一
 合來下 主解某家七世父母先亡後死三十六世以來 所屬七宿角亢

氏房心尾箕 七星都合七十五度 一百清八十濁 各隨所屬何星何
 宿 一切解脫 悉為消除斷絕之 皆令惡星當滅 復連當絕
 斗宿六星 二十八度 一清二濁將 從三百六十五人 惡星當
 滅 復連當絕
 牛宿八星 八度 一清三濁將 從三百六十五人 惡星當滅
 復連當絕
 女宿四星 十度 三清二濁將 從二百三十五人 惡星當滅
 復連當絕
 虛宿三星 十度 三清一濁將 從二石三十五人 惡星當滅
 復連當絕
 危宿二星 墳墓四星 合六星 十四度 二清一濁將 從四十
 八萬人 惡星當滅 復連當絕
 室宿二星 離宮六十星 千二百度 一清九濁將 從千二百人
 惡星當滅 復連當絕
 壁宿二星 七十度 千清百濁將 從三萬九千人 惡星當滅
 復連當絕

太上洞神洞淵神咒治病口章

清微藏書閣

謹請 北方五狄君 五五二十五官君將 從二千九百萬人 兵
 士七十萬眾一合來下 主解某家七世父母三十六世以來先亡後死
 所屬北方玄武七宿斗牛女虛危室壁 七星都合九十八度 萬清九千
 濁 各隨所屬何星何宿 一切盡為解除斷絕之
 奎宿十六星 十六度 一清二濁將 從十二萬人 惡星當滅
 復連當絕
 婁宿三星 十五度 一清一濁將 從二十六萬人 惡星當滅
 復連當絕
 胃宿三星 十四度 一清一濁將 從一千四百人 惡星當滅
 復連當絕
 昴宿七星 千二百度 二千清一百濁將 從三百二十人 惡星
 當滅 復連當絕
 畢宿八星 千六百度 二清一濁將 從一百三十六人 惡星當
 滅 復連當絕
 觜宿三星 十一度 一清十濁將 從八十九人 惡星當滅 復
 連當絕

參宿九十星 一百度 三十清四十濁將 從八十萬人 惡星當
滅 復連當絕

謹請 西方六戎君 六六三十六官君 兵士四十萬眾 一合來
下 主為某家解七祖父母三十六世以來先亡後死 一切死人所屬西
方白虎七宿奎婁胃昴畢觜參 七星合八萬度 千清萬濁 各隨所屬
何宿何星 一切悉為解除斷絕之

井宿八星 三十六度 二十清九十濁將 從七千六百人 惡星
當滅 復連當絕

鬼宿五星 四十度 二十清三十濁將 從七萬人 惡星當滅
復連當絕

柳宿七星 七十度 十九清二十濁將 從三千人 惡星當滅
復連當絕

星宿七星 七度 二十清三十濁將 從九千九百人 惡星當滅
復連當絕

張宿六星 六十度 一百清三百濁將 從九萬七千人 惡星當
滅 復連當絕

太上洞神洞淵神咒治病口章

清微藏書閣

翼宿二十二星 千八百度 二十清三十濁將 從三百九十人
惡星當滅 復連當絕

軫宿七星 七十二度 三十清九十濁將 從七百六十人 惡星
當滅 復連當絕

謹請 南方八蠻君 八八六十四萬官君將 從六十四萬眾 兵
士七十萬億眾 一合來下 主解某家七祖父母三十六世以來先亡後
死 所屬南方朱雀七宿 井鬼柳星張翼軫七星 都合十二度 九清
九濁 各隨死人所屬何星何宿 一切悉為解除之 斷絕了了 復連
解散之

魁昴躔魁驪黼黻七宿 位在中央 勾陳七星 戊己黃帝 鎮星
土精 四季分節 王相消解水精 璇璣玉衡 明堂絳宮 七星北斗
共二十八宿 周天三百六十五度四分度之一十八 萬清八萬濁
所請官將 周遊反覆 盡為解度 使惡星當滅 復連當絕

又解三陰三陽 千柔萬則 千清萬濁 復連生人 先世祖考三
十六世以來 先亡後死 亡人所屬六甲六乙 六丙六丁 六戊六己
六庚六辛 六壬六癸十二支干之上五道之神 凶者當滅 吉者當

出復連當絕 刑屬五子五丑 五寅五卯 五辰五巳 五午五未
五申五酉 五戌五亥十二支干之神 凶神當滅 復連當絕 解除所
屬六甲旬 六腸六陰一切大神 為某家解除七祖父母三十六世以來
一切亡人悉令解脫

蓬吏陰阿君與太玄玉女 請解釋之
若亡人有犯甲子旬中千基萬譴 千殃萬考 千罪萬過 神將天

內吏張不臨將從四百人 與黃素玉女解釋之
若亡人有犯甲戌旬中千罪萬過 千基萬誼 千殃萬考 神將天

解釋之
若亡人有犯甲申旬中千罪萬過 神將天衝吏程子恩與白素玉女

女解釋之
若亡人等有犯甲午旬中千罪萬過 神將天輔吏杜除君與漢英玉

玉女解釋之
若亡人等有犯甲辰旬中千罪萬過 神將天禽吏公孫太君與拜精

女解釋之
若亡人等有犯甲寅旬中千罪萬過 神將天心吏徐君瑤與青要玉

太上洞神洞淵神咒治病口章

清微藏書閣

正月箕星	心宿	三清三濁五寅	功曹主之	不得復連後生人
二月心星	房宿	三清三濁五卯	太衝主之	不得復連後生人
三月氏星	角宿	三清五濁五辰	天剛主之	不得復連後生人
四月軫星	翼宿	三清一濁五巳	太一主之	不得復連後生人
五月張星	星宿	四清五濁五午	勝先主之	不得復連後生人
六月柳星	井宿	四清三濁五未	小吉主之	不得復連後生人
七月參星	賁宿	二清三濁五申	傳送主之	不得復連後生人
八月畢宿	昴星	三清五濁五酉	從魁主之	不得復連後生人
九月胃宿	奎星	三清一濁五戌	河魁主之	不得復連後生人
十月壁宿	室星	三清二濁五亥	登明主之	不得復連後生人
十一月危宿	斗星	七清九濁五子	神后主之	不得復連後生人
十二月女星	牛宿	三清八濁五丑	大吉主之	不得復連後生人
五柔五剛	三陰五陽	不得復連後生人		
亡人等先生天地以來	有死有生	死人恐往日生	生存之時	作諸
罪原	不可忍怒	死入九幽長夜地獄	終天畢地	渴飲寒水
鐵丸	吞服火煙	千年萬劫	輪轉五道	徘徊塗炭
				流曳八難
				困

辱三徒 長守餓鬼 無有出期 不堪苦毒 引逮生人 梯首虛耗
萬端屯集 宅中疾病 大小不利事狀云云 但言宅中惡神殺鬼 軍
行師止云

東方凶神鬼王 姓張 名角子 身長九尺三寸 手捉赤棒黑索
領青兵大卒十萬人 專行腹痛 下青面之病十二種 病痛苦眼目
頭頸身中索索 常苦寒熱 四支沉沉 不能飲食 食即逆 與小
鬼王名之 子石家親被擊 擊在三官 灶君慎怒 日日上天 言白
罪過 殃祥男女 十二媚蟲 山川社祠鬼事 不了了 上下相引
共來病人

南方凶神鬼王 姓祝 名龍安 領赤兵八十萬人 士卒十萬人
專行下痢頭痛卒病 二日三日 或十日 或三年乃死 今人吐下
血 四支煩疼 引三丘社祠山野鬼 來病人身
西方凶神鬼王 姓石 名古子 領白兵十萬人 吏卒六十萬人
專行白下卒死磬病腫下 三年七年十年乃死
北方凶神鬼王 姓楊 名靜 領黑兵五十萬人 專行霍亂臃腫
之病

太上洞神洞淵神咒治病口章

清微藏書閣

中央凶神鬼王 姓陳 名冗 領七十萬人 專行水病
東南方凶神鬼王 姓原 名缺 名達 領九十萬人 專行風病
西北方凶神鬼王 姓林 名石子 領六十萬人 專行頽病
三天鬼王 姓石 名龍 領七十兆眾 專行腫病 九天大鬼王
姓閻 名領 萬鬼 專行惡氣毒病 病來殺人
又一鬼王 姓史 名狩 領七十萬人 專行玲病殺人
又一鬼王 姓趙 名駒 領三十萬人 專行瘡病
又一鬼王 姓公孫 名岳 領三萬 六千鬼 專行濕氣病
又一鬼王 姓曹 名文之 領萬鬼 專行注病
又一鬼王 姓霍 名兇 領七十萬鬼 專行渴病
又一鬼王 姓袁 名京 領三百六十萬人 專行短氣病
又一鬼王 姓伊 名明之 領七十萬鬼 專行雲中病 取人小
兒 卒死病
又一鬼王 姓季 名子敖 領萬鬼 令人生輒死
又一鬼王 姓郭 名林之 領三千萬鬼 令人刀兵市死
又一鬼王 姓楊 名謀 領萬鬼 令人獄幽而死

日病者 鬼名文侯
 直日鬼 鬼名昌子 三千六萬人 大鬼王屬大統支訓 支訓領
 七千萬小鬼王 自今聞上口章之後 一切收而卻之
 九州鬼王 姓革 名川 領萬鬼 殺人婦女 羌鬼王 姓虎
 名百方 領一鬼 殺人鸚肫 戎鬼王 姓口名澄 領三萬鬼 行
 白下病 胡虜鬼王 姓烏 名小 領萬鬼 行迷惑病 蠻撩鬼王
 姓蘭 名種 領萬鬼 行口痛病 山鬼神王 姓丘名文慶 領萬鬼
 行胸痛病 十方鬼王 姓周 名舉 領三千萬鬼 行腳弱病 水
 神鬼王 姓孟 名奔 領萬鬼 行盲冥病 五岳鬼王 姓陽 名光
 龍 領七十萬鬼 行惡食 令人睡病
 凡如此諸鬼王 領鬼縱橫人問 伺候人衰 便圖害生人 今日
 章奏 聞令山川林藪 世問里社 符廟邪鬼惡神 皆令竄走 沙崩
 瓦解 應章消滅 令主家病差 萬神來助 若某家親丈人 若有囚
 徒譴作 一切放遣之
 東方直符大鬼 名青草 領七千萬鬼 專行腰痛病
 又一鬼王 姓強 名當 領二千八萬鬼 專行失氣病 下血淋

太上洞神洞淵神咒治病口章

清微藏書閣

瀝不止病 又一鬼王 姓袁 名文玄 領七千萬鬼 專行失魂死 病人不
 可近救 又一鬼王 姓許 名靜 領七十八萬鬼 專行令人失魄病
 又一鬼王 姓樂 名玉 領六十萬鬼 專行令人身中瘤腫病
 又一鬼王 姓榮 名期 領十一萬鬼 專行心迷病
 又一鬼王 姓崔 名石杉 領三萬鬼 專行陰腫下血病
 又一鬼王 姓馬 名像 領三萬七千鬼 專行令人殺父母師徒
 燒人穀麥屋舍治壇 令人惡病不可治 入人心中 令人如此
 又一鬼王 姓吳 名板 領三千鬼 專行令人赤黃下血病
 又一鬼王 姓明 名長生 領十二萬鬼 專行令人夫妻相憎病
 又一鬼王 姓謝 名朗之 領六十萬鬼 專行令人男女相憎病
 又一鬼王 姓謝 名明之 領五十萬鬼 專行令人生兔缺子
 又一鬼王 姓蘭 名進之 領七十萬鬼 專行令人生逆子多有
 內亂者 又一鬼王 姓唐 名祿 領三萬鬼 專行惡氣病

如此之鬼王 與五方注鬼 東方青注 南方赤注 西方白注
北方黑注 中央黃注 朝死之注 暮死之注 一里之注 二里之注
三里之注 四里之注 五里之注 十里之注 二十里之注 三十
里之注 四十里之注 五十里之注 百里之注 二百里之注 三百
里之注 四百里之注 五百里之注 六百里之注 七百里之注 八
百里之注 九百里之注 千里之注 萬里之注 男注 女注 奴婢之
注 近注 遠注 青注 白注 赤注 黑注 黃注 五注 將軍 大注 小注
高注 卑注 六畜之注 鳥獸之注 草木之注 日月之注 星辰之注
戎羌之注 胡虜之注 吳蜀之注 夷狄之注 蠻獠之注 三萬七
千之注 凶祥之注 門戶之注 日遊之注 月行之注 大將軍之注
太歲之注 太陰之注 五行之注 四時代謝之注 喪車斗加之注
死次之注 行年本命三刑赤色之注 雄雌之注 姓名相收之注
目色相當之注 姓復相取之注
方來者 注從東方來者 以金斷之 注從南方來者 以水滅之 注從北
方來者 以土卻之 注從西方來者 以火消之 注從中央來者 以
木禳之 五行之注 各各當位 自止除滅之

太上洞神洞淵神咒治病口章

清微藏書閣

東方有惡黑氣者 願請青帝君九千萬人 領青兵士卒七十萬眾
禳除消滅之
注從南方來者 願請赤帝君兵馬八十萬人 領赤卒七十萬眾
消而卻之
注從西方來者 願請白帝君兵馬六十萬人 領白卒九十萬兆眾
消而卻之
注從北方來者 願請黑帝大將軍五十萬人 領黑卒七十萬眾
來禳卻之
注從中央來者 願請黃帝君兵馬十二萬人 領黃卒七十萬眾
來下斷絕之
若五方殞疾 黃奴兄弟七十二人 行病之鬼 乘風駕雀 入人
家宅中 伺人衰便 取人小口 一切收除斷絕之 令斥去萬里
又五方注鬼 自稱蒙恬 赤境 紀良 王卒 各領千人 入宅
中取人小口 令其瘡病
又五方惡鬼 自稱武帝 漢王 子胥 周公 大臣等 專行腹
脹之病

又注鬼自稱古之大王 主天下大將軍 來欲病欺人 詐稱家親
丈人 殺人小口 令人宅中 多凶病疾
又一鬼王 姓晏 名羔子 領三萬人 行狂哭病 又五方五帝
注鬼 自稱張元伯 領萬鬼 行寒熱逆瘧病
又五方注鬼 自稱焦淡無辜之炁 領三千鬼殺小兒
又一五方殺鬼 自稱劉元達 領七十萬鬼 常行七十種疫病
又一鬼王 自稱鍾士季 領六十萬鬼 主令五種下痢病
又一鬼王 自稱趙公明 領三萬鬼 主令人家中斧創傷
又一鬼王 自稱史文業 領七十二萬鬼 主令人腫氣而死
又一鬼王 自稱姓杜名周 領七十萬鬼 主領獄死
又一鬼王 自稱姓宗名文侯 領三千六百鬼 主令人失火
又一鬼王 自稱吳王鬼 領千萬鬼 主令人落水死
又一鬼王 自稱田盜者 領七十萬鬼 主令人心思而死
又一鬼王 自稱王前 白起 鄧艾之鬼 領三萬鬼 行萬病殺
人 又一鬼王 言是皇帝大神 入人家宅中 驅逐人家鬼 責求血

太上洞神洞淵神咒治病口章

清微藏書閣

食 與凶祥之鬼 兵獵社祠之鬼 來向之神
又請窮奇食鬼吏 七十萬人 一合來下 次次收食之 無令落

失 又某肉人大小口辭 各稱一生之遇 得在道民之次 不能有感
奉道 不稱多延罪考 闔門不和 某疾病厄困 懼不自免 蓋聞大
道 無物不濟 歸命之者 莫不蒙恩 又本師懸遠 告訴不及 見
臣等 同法 馳來迎臣等到宅 求乞口章 以自救治 至臣主職任機
美 法氣宣揚不勝 所見肉人災厄 謹為某冒罪伏地 拜口奏章一
通 上詣天曹 並奉醮五帝 乞丐太上老君 太上丈人 天師嗣師
係師 三師君夫人門下 二十四尊賢 十二聖真 慈父聖母之氣主
者 為肉人某家 道氣下流 覆衣肉人 臣等謹按天師千二百官章
本 上請太空中五蓋大將軍十二萬人 官將二千人 又請五部大
將軍十二萬人 又請剛健大將軍十二萬人 官將千二百人 又請赤
天中宮 南營大兵 赤兵丙子 敢健士吏兵七十萬人 主收某家宅
中 若有五方惡氣注鬼者 次次斬其根種
又請平炁君十二萬人 官將千二百人 與收氣食氣吏 收鬼食

鬼吏 收邪食邪吏 收凶食凶吏 收病食病吏 各六千萬人 一合
來下 到某家宅上收而食之 若有凶魔惡鬼 一切掃蕩消滅之
又請東鎮大將軍九十萬人 屯某家東門
又請南鎮大將軍八十萬人 屯某家南門
又請西鎮大將軍六十萬人 屯某家西門
又請北鎮大將軍五十萬人 屯某家北門
又請中鎮大將軍十二萬人 屯某家中庭
又請窮奇食鬼吏七十萬兆眾 一合來下 食某家宅中五媪逢契
之鬼

若有五契將軍 前獵將軍 後獵將軍 左獵將軍 右獵將軍
逢契夫人 五契父母 男契女契 子契孫契 五千六百契官主者
各各共合 集百惡圖害主人家大小者 一切悉為驅除之 令斥去萬
里 使如沙崩瓦解 重請仙官將軍十二萬人 官將千二百人 主收
天下自稱五野六毒之鬼 百二十凶吹之神 一切收而卻之 蕩除宅
上 悉令了了
又請真天大將軍十二萬人 官將千二百人 下之某家宅上 收

太上洞神洞淵神咒治病口章

清微藏書閣

除詐稱凶拜之鬼 一切卻之 斥去萬里
又請太上宮中素車白馬君兵十二萬人 官將千二百人 屯軍七十
二萬人 主收殺四方凶殺惡鬼
又請九州刺史 天子督郵兵士七千萬人 各屯某家宅門中 收
殺五方惡注始害之鬼 一切絕滅之
又請無上天乾宮中搖天動地君兵士八十萬人 一合來下 詣某
家宅上 收殺屯聚之鬼 五方注殺之氣 一切卻之
又請高魔大鼓 五胡將軍赤陽兵士七十八萬人 一合來下 詣
某家宅中 收除屯聚殃注鬼 百邪鬼賊 魍魎之鬼 一切斬之
又請殺鬼大將軍兵士十二萬人 官將千二百人 一合下之 詣
某家宅上 收殺疾病人鬼 一切斬破 散除卻之
又請食鬼鐵面大兵騎 騰蛇白虎騎 驅除大將軍七十萬人 一
合下之 詣某家宅上 收五殛屯聚之鬼 宅上萬邪考精鬼魅 一切
斥卻之鬼 一切槌破斬滅之
又請高天萬丈大鬼 百鬼中王十二萬人 官將七十萬人 一合
下之 詣某家宅上 收殺屯聚百鬼 黃奴疫病鬼賊 一切收而卻之

又請延命度厄君 補代君 各二千二百人 一合下詣某家上
為病者之身補代延命度厄 五方之厄 一切為度之 延年益壽 過
災度厄 保命無窮

又請治病功曹十五人 天醫太醫吏 盧醫 扁鵲 醫吏 玉女
各千二百人 一合來下 責良方善藥神湯聖丸針灸之具 入某身
中行生布氣 宜針下針 宜灸與灸 宜湯與湯 宜丸賜丸 隨病
所在 盡心治護 取令除差 調和五藏 通利百脈 魂安魄定 萬
神備守 若耳聲目冥者 上請決明君十二人 官將百二十人 一合
來下 主為治護耳聾目冥 皆得開朗 聽視聰明 又請天剛將軍
殺鬼吏七十萬人 虎賁吏七十萬人 各持斬鬼鉞斧 桃湯沙石 一
合來下 入某宅中 驅除五方凶注 五殛邪精 妖魅魍魎 下官故
氣 宅中妨害 凶神惡鬼 一切誅除斬殺 絕其根種 若某家七祖
父母伯叔先亡後死 生存之日 有犯五盟七詛 五逆大罪 不慈不
孝 殺害賢良 或作劫賊 掠奪人物 或偷牛盜馬 誘人奴婢 或
掩縛良善 度賣生口 或殺人父母 夫妻子女 或害人害主 滅人
種族 或竊盜經書 毀辱真正 穢污聖文 叛道入邪 捨真就偽

太上洞神洞淵神咒治病口章

清微藏書閣

或惡口咒詛 無端欺言 妄語輕忽神鬼 或於日月星辰之下 里社
符廟神祠之中 木下四野井灶之邊 共相厭禱 或於道佛治舍 燒
香咒誓 牽引天地 論訴神祇 稱怨理直 得恩忘義 不賽神祇
歿命之後 淪墜三塗 受其考對 亡人苦澀 不能自拔 訴論天曹
引逮生人 將三案五案之鬼 咒詛眾邪百神 共來侵入宅中 妄
作禍害不止者 乞丐於今章之後 一一解除消滅之 不得復令殃注
之鬼與野道之神 妄作耗害 若有三十六世亡人猶執駐不解者 願
諸五方解禁君十二人 官將百二十人 一合下 主為某家 分解上
世以來咒詛厭禱之考 悉令和散 不得復來侵害生人 苦有拒違不
去者 願請誅殃君官將千二百人 一合下到某家宅中 收除下官故
氣 凶神惡鬼眾邪 一切驅逐 奔走山野 勿使留停 苟行凶暴者
乞今口章表奏之後 令某病者 速得差愈 闔門無他 來財致寶
福慶日隆 所願諧遂 萬向克從 所請君將吏兵士眾用事 收捕
救濟諸有功勞者 隨臣等三會吉日 三月一時都章 言功舉遷 千
萬不負信誓 恩惟太上 分別求哀 臣愚 謹因內外二官直使 正
一功曹 左右官使者 陰陽神決吏 科車赤符吏 剛風騎置吏 驛

馬上章吏官 各百二十人出操 臣等謹為男女生某甲家 不利父母
兄弟妻息 甲乙疾病 云云 性命危急 恐不生活 拜請天官 解
除三十六世以來咒詛厭禱之氣 度星列宿 消滅殃注 斷絕復連
制勸魔王 收鬼治病 補代求生 救急口啟露章一通 上詣太上三
天曹 伏須告報 臣某誠惶誠恐 稽首頓首 再拜以聞

臣姓屬某郡某縣

泰清如法

太歲某年 月 日 時 於某甲中

臣某等 謹重上啟 太上大道君 太上丈人 天師女師嗣師係
師 三師君夫人 臣上章已訖 啟事已竟 重請今時直符直事各三
十六人 今日直符直事各三十六人 今月直符直事各三十六人 今
歲直符直事各三十六人 五帝直符直事各三十六人 四時直符直事
各三十六人 金光童子玉女各十二人 通章舍人十二人 御章從事
十二人 今日典章吏十二人 一合來下 與左社右稷土地之君 與
章俱上 應對天曹素男素女 必令通達 若章上文字不正 沾污不
成 上下不合者 以龍頭書刀 長毛利筆 尋丈削治 誤字為正

太上洞神洞淵神咒治病口章

清微藏書閣

脫字為定 必使上合 無令上官典者 有所譴卻 下官故氣 邪精
鬼賊 於中道斷截章文不達者 收付所在近獄 依法治罪 責今臣
等所上口章 逕達無極大道太上老君御前 左君歷關 右君歷啟
諸官歷遞 以次分別 臣等下愚 不明科律 懼有犯觸 俯仰之儀
多有不合 特乞太上弘汎之恩 一一原恕 若有四面惡人 妄生
謀議 口舌云云者 一切禳卻之 乞所奏上聞 所請者下 所召者
到 所化者化 所治者愈 所誅者滅 所厭者伏 所消者散 所解
者解 功曹使者 分別朱紫 閉口氣升 慎勿稽停 臣請伏地 須
待告報 伏更閉氣如三餐 臣等上口章事訖

次納官

向來所出 臣等身中功曹使者 將軍吏兵 各還臣等身中 悉
從眾妙門 各依次第而入 直使功曹主相 差次在左歸左 在右歸
右 纏身繞骨 經緯百脈 周身匝體 彌綸天地 下入丹田 上升
泥丸 附著臣等身中 五藏六府 七政九宮 十二宮室 四時五行
百八十關機 安官隱職 列居常位 無令錯互 臣等向所請將軍
吏兵 各還臣等身中 入金堂玉室 須臣等 後召復出 奉行一如

故事

次復鑪

香官使者 召臣等左右龍虎君 急召五方使者 臣等上口章已
訖 當令靖室之中 自然生金液丹碧芝英 在此香火之前 令臣等
得道真炁 以長生過度 一切之人 悉今升仙 削臣等死籍 更上
生名筭錄 十方素男素女 玉男玉女 童男童女 各侍衛香煙 令
臣所上 逕詣三天無極大道至真玉皇上帝几前

太上洞神洞淵神咒治病口章竟

天運辛卯年丑月正一天師清微弟子洪鼎堅羅大英恭錄彙編

太上洞神洞淵神咒治病口章

清微藏書閣